



Arkivnr: 2014/16381-1

Saksbehandlar: Ingvar Skeie

Saksframlegg

Saksgang

Utval	Saknr.	Møtedato
Fylkesutvalet		20.05.2014
Fylkestinget		11.06.2014

Bergen Bompengeselskap AS - utvida garantiramme

Samandrag

Fylkestinget godkjende i oktober 2010 å garantere for inntil 4,2 mrd. kr som Bergen Bompengeselskap AS tek opp til finansiering av Bergensprogrammet. Stortinget godkjende i mai 2013 «Utviding og finansiering av Bergensprogrammet med tredje etappe av Bybanen m.m.»

Bergen Bompengeselskap AS vil hausten 2014 ha behov for å auke låneopptaka ut over tidlegare vedteken garantisum. Fylkesrådmannen rår til at garantisummen vert auka til 5,8 mrd. kr.

Forslag til innstilling

Hordaland fylkeskommune gjev sjølvskuldnargaranti for lån på inntil 5 800 mill. kr som Bergen Bompengeselskap AS tar opp i samband med gjennomføring av prosjekt i Bergensprogrammet.

Maksimal garantiperiode er fram til utgangen av 2027.

Johnny Ernst Stiansen
fung. fylkesrådmann

Nils Vetlesand
fung. fylkesdirektør økonomi

Saksframlegget er godkjent elektronisk og har derfor inga underskrift.

Fylkesrådmannen, 13.05.2014

Fylkestinget vedtok den 12.10.2010, sak 54/10, å garantere for inntil 4 200 mill. kr som Bergen Bompengeselskap AS skal ta opp i samband med gjennomføring av prosjekt i Bergensprogrammet.

Bergen Bompengeselskap AS har pr. i dag teke opp lån på 3 818 mill. kr i Kommunalbanken. Sidan banken krev at garantien skal dekke hovudstol pluss 10% til renter og andre kostnader, er den vedtekne garantiramma nytta fullt ut.

Stortinget godkjende den 28.05.2013 Prop. 143 S (2012-2013) «Utviding og finansiering av Bergensprogrammet med tredje etappe av Bybanen m.m.» I proposisjonen vert det lagt til grunn at det skal krevjast inn 5 800 mill. kr i bompengar i perioden 2012-2025. Det vert vidare lagt til grunn at lånegjelda vil nå ein topp i 2015/2016 på 5,8 – 5,9 mrd. kr.

Bergen Bompengeselskap reknar med at det vil bli rekvirert 1 mrd. kr i 2014 og 1,25 mrd. kr i 2015. Det vil bli behov for å ta opp meir lån i september 2014. Bompengeselskapet søker no om auka garantiramme.

Bompengeselskapet sine prognosar tilseier at samla låneopptak i 2015 vil kome opp i 5 mrd. kr.

Bergensprogrammet er ei bompengepakke med ei rekkje mindre prosjekt i tillegg til bybaneutbygginga. Risikoen må først og fremst styrast ved å tilpasse omfang og framdrift av dei ulike prosjekta til dei økonomiske rammene. Etter forvaltningsreforma er prosjekta i Bergensprogrammet fylkeskommunale prosjekt. Det er difor heilt naturleg at fylkeskommunen stiller garanti for å oppnå lågast mogleg lånekostnader.

I prop. 143 S (2012-2013) kan ein lese følgjande: «Samferdselsdepartementet oppmodar fylkeskommunen om å utvida garantien for å oppnå best mogleg lånevilkår.»

Fylkesrådmannen rår til å utvide garantibeløpet. Garantiramma bør dekke 10% ut over forventa låneopptak. Fylkesrådmannen gjer framlegg om å garantere for inntil 5,8 mrd. kr, i samsvar med det som er nemnt i stortingsproposisjonen.

Prop. 143 S (2012-2013) gjeld perioden fram til 2025. Forskrift om garantiar opnar for at garantiperioden kan strekkje seg inntil 2 år utover forfall for fordringa. Garantiperioden vert difor foreslått avgrensa til utgangen av 2027.